

Mga Gasa sa Dios

LABING PINAKAMAAYONG



Alang sa dugang nga impormasyon, bisitaha ang
<https://1889hsda.org> o kontaka si:



LABING PINAKAMAAYONG

Mga Gasa sa Dios

1. Ang Gasa Sa Gugma Alang Kanimo

Daghan nga maandamon sa pagdawat nga ang Dios nahigugma sa kalibutan adunay kalisod sa pagtoo nga ang Dios nahigugma sa matag usa kanila, apan si Jesus nagpahinumdom kanato, "Wala ba igabaligya ang duha ka mga gagmay nga langgam sa usa ka diyut? Ug bisan usa kanila dili mahulog sa yuta sa wala ang inyong Amahan. Apan bisan pa ang mga buhok sa inyong ulo naisip nga tanan. Busa dili kamo managkahadlok; kamo mga labaw pa ug bili kay sa daghan nga mga langgam" (Mat 10:29-31).

Ikaw ba, usab, natintal sa pagtoo nga ikaw nahikalimtan sa Dios? Ang Dios nagsulti kanato: "Malimot ba ang usa ka babaye sa iyang masuso nga bata, nga dili siya magabaton ug kalooy sa anak nga lalake sa iyang tagoangkan? Oo, kini sila mahikalimot tingali, apan Ako dili gayud malimot kanimo" (Isa 49:15). "... Oo, gihigugma Ko ikaw sa usa ka gugma nga walay katapusan: busa uban sa mahigugmaong-kalolot gidani Ko ikaw" (Jer 31:3).

2. Ang Gasa sa Hustisya

Kining mahigugmaong Dios mao man gihapon ang labing kinatas-an nga maghuhukom, ug ang Iyang gugma nagahimo Kaniya nga usa ka matarong nga maghuhukom. Kita nagkinahanglan nga magmapasalamat sa usa ka maghuhukom nga matarong, wala'y pinalabi sa mga tawo, nga wala magadawat og suhol, ni magpabayad sa pag-absuelto sa krimen, ug kansang hustisya nanginahanglan og patas nga pagkastigo sa tanan.




Ang sala mao ang paglapas sa balaod (sa Dios), (1 Juan 3: 4) ug ang gamay nga sala sa kinabuhi, sama sa lebadura, "...makapatubo sa bug-os nga minasa" (Gal 5:9). Ang sala sa kahakog sa usa ka gamay nga butang sama sa pagsakmit sa usa ka dulaan gikan sa usa ka kadula, mahimo nga makita unya sa pagkamatikason sa negosyo o politika, o sa pagtinguha sa pagbihag sa mga nasud sama ni Napoleon o Hitler. Busa, ang sala, bisan pa gamay, dili sayloan sa usa ka matarong nga Dios. Ang Dios naghimo sa usa ka pamaagi aron makuha ang gugma sa sala gikan kanato aron mapugngan kita sa pagpakasala, apan sa mga dili mobiya sa ilang mga kasal-anan, ang balaang gugma, dili ubos sa balaang hustisya, nagpahayag nga "ang bayad sa sala mao ang kamatayon" (Roma 6:23).

Ang kamatayon, dili ang pag-antos nga walay katapusan, mao ang "bayad sa sala". Gihisgutan sa Dios ang panahon nga ang mga daotan hingpit nga pagalaglagon, "Ug pagatamakan ninyo ang mga daotan; kay sila mangahimong abo sa ilalum sa mga lapa-lapa sa inyong mga tiil, sa adlaw nga Akong pagahimoon kini, nagaingon si Jehova sa mga panon" (Mal 4:3). Ang karaang ciudad sa Sodoma nag-antus "sa silot (hustisya - Griego) sa kalayo nga walay katapusan" (Jud 7) apan kini wala nagadilaab sa pagkakaron. Ang kalayo walay katapusan tungod dili kini mapalong hangtod nga mahurot ang sugnod niini. Ang resulta, dili ang kalayo, mao ang dumalayon ug walay katapusan. Ingon man usab sa tanan nga mag-antos sa hustisya sa linaw nga kalayo. Ang mga pulong nga "dumalayon," "hangtod sa kahangturan," "walay katapusan," ug ang susamang mga termino sa orihinal nga mga sinultian sa Bibliya wala magpasabut nga walay katapusan, apan yano nga nagpahayag sa usa ka dili masukod nga kadugayon. Giingon ni Ana nga dad-on niya si Samuel sa Shilo aron "magpabilin didto hangtod sa kahangturan" (1 Sam 1:22), apan wala man gani si Samuel magpuyo didto sa tibuok niyang kinabuhi; Miingon si Achis bahin kang David, "busa siya mahimo nga akong ulipon sa walay katapusan" (1 Sam 27:12), nagpasabut samtang buhi pa si David. Adunay daghang susama nga paggamit sa Bibliya. Hinumdumi kini sa sunod nga higayon nga imong mabasa o madungog nga "hangtod sa kahangturan" ang paghukom o pagsakit sa mga dili mahinulsulon sa linaw nga kalayo. Dili ang gugma sa Dios ni ang Iyang hustisya motugot Kaniya sa pagsakit sa mga tawo hangtod sa

6. Ang Gasa sa Bibliya

Ang usa pa ka gasa sa atong langitnong Amahan mao ang Iyang komunikasyon kanato nga nagapadayag sa Iyang paagi sa pagtrabaho, sa Iyang kinaiyahan, ug nagapadayag sa tanan nga uban pang mga gasa.




7. Ang Gasa sa Kapasayluan og ang Saad sa Kinabuhing Dayon Diha sa Iyang Anak

Ang usa ka gasa nga mas labaw pa kaysa uban ug nagapadayag sa gugma sa Dios kanato nga sa pinakadako maabot mao ang paghatag sa Dios sa Iyang Anak.

Sa panahon nga ang hinigugma nga anak sa Dios nagbolontaryo nga mahimo nga kabahin sa "hulog o adunay kamatayon nga tawo" (Job 4:17), ug mailalom sa kamatayon (Heb 2:9) aron makuha Niya pagbalik ang paghari nga nawala ni Adan ug maluwas ang katawohan, ang kasing-kasing sa Dios nasamaran. Iya bang pasagdan nga ang katawohan malaglag, o Iya bang tugotan nga ang Iyang Bugtong Anak nga mag-antus ug mamatay aron sa pagluwas sa mga katawohan nga nakasala? Kini usa ka makalilisang nga pakigbisog, apan ang resulta niana nga disisyon namantala sa kahalayo ug sa kahalapad (Juan 3:16). Bisan unsa pa kita ka makasasala sa atong kinabuhi, Iya kitang gihatagan ug kasigurohan (1 Juan 1:9).

Ang Dios nagakinahanglan nga kita maga sugid sa atong mga sala, ug maga paubos sa atong kasing-kasing diha Kaniya, ug sa diha usab kita gikinahanglan nga magsalig sa Iya isip nga mapuangoron nga Amahan, nga dili magasalikway niadtong naga too Kaniya. Ang Dios atong napasipalahan sa pamaagi nga wala kitay pagtoo sa Iyang mga saad. "Ania karon, ang kamot ni Jehova wala pamubi aron kini dili makaluwas; ni pabug-aton ang Iyang igdulungog, aron kini dili makadungog" (Isa 59:1). "Apan karon kini mao ang giingon ni Jehova na nagbuhat kanimo, Oh Jacob, ug Siya na nag-umol kanimo, Oh Israel: Ayaw kahadlok, kay nalukat Ko na ikaw; natawag Ko na ikaw pinaagi sa imong ngalan, ikaw Ako man" (Isa 43:1).

Minahal nga magbabasa, sa pagtan-aw sa mga katingalahang mga gasa, dili ba nimo ilhon ang gugma sa atong Langitnong Amahan, ilhon ang atong Magbubuhat ingon nga imong Dios, ug ihatag Kaniya ang imong kasingkasing?



5. Ang Gasa sa Pagbalik ni Jesus ug Pagkabanhaw sa mga Tumutuo

Ang usa ka labi pa nga kahibulongang gasa nga kinahanglan naton hisgotan mao ang saad ni Jesus nga mobalik sa personal: "...Moanhi Ako pag-usab, ug panad-on ko kamo uban gayud Kanako; aron nga kong asa Ako atua usab kamo" (Juan 14: 3). Pero, gipasidan-an kita ni Jesus sa "mga bakakong Cristo," nga magpakita ug dagkung mga ilhanan ug katingalahan aron sa paglimbong kong arang mahimo, bisan sa mga pinili" (Mat 24:24). Tin-aw Niyang gipadayag ang pamaagi sa Iyang pag-anhi, aron dili kita malimbongan:



1. Kini klaro nga makita: "Kay ingon nga ang kilat nagakilab gikan sa Sidlakan, ug makita hangtud sa Kasadpan, ingon usab niini ang pagpadayag sa Anak sa tawo" (Mat 24:27). "Ania karon, moanhi Siya uban sa mga panganod, ug ang tanang mata makakita Kaniya, ug kadto sila nga mga naglansang Kaniya, ug ang tanang mga banay sa yuta managkasubo tungod Kaniya. Mao gayud kini, Amen" (Bug 1: 7).
2. Adunay mga timailhan sa adlaw, bulan ug mga bituon. (Tan-awa sa Mat 24: 29-31.)
3. Moanhi Siya gikan sa langit nga adunay gahum ug dakong himaya. (Tan-awa ang Luc 21:26, 27.)
4. Kini madungog sa tanan, ang mga patay pagabanhawon, ug hatagan sa pagka-walay-kamatayon, og uban sa buhi nga matinud-anon, magasugat kay Hesus sa kahanginan aron magakauban Kaniya kanunay. "Kay ang mao nga Ginoo, sa usa ka **pagsinggit**, sa usa ka tingog sa punoan sa mga manolonda, ug sa **budyong** sa Dios, manaug gikan sa langit ug **ang mga nangamatay diha kang Cristo mangabanhaw pag-una**. Unya kita nga mga buhi nga nanghibilin, pagalalinon kita pagtingub ngadto sa ibabaw uban kanila **sa mga panganod, sa pagsugat sa Ginoo**; ug ingon niini magakauban kita gihapon sa Ginoo"(1 Tes 4:16, 17). "...[51] kitang tanan pagaalid-an, [52] Sa kalit, sa usa ka pagpamilok, sa katapusan nga budyong; **kay pagapatunggon ang budyong, ug ang mga minatay pagapabangonon nga mga dili madunoton**, ug kita pagaalid-an. [53] Kay kining madunoton kinahanglan pagasul-oban sa pagkadili-madunoton, ug **kining may kamatayon kinahanglan pagasul-oban sa walay kamatayon**" (1 Cor 15: 51-53).
5. Ang mga buhi nga mga matarung og ang mga nabanhaw nga mga matarung magasugat kang Hesus sa mga panganod. (Tan-awa ang 1 Tes 4:16, 17 nga gitutlo sa ibabaw).

kahangturan tungod sa mga sala sa usa ka mubo nga kinabuhi dinhi sa yuta. Ang pagka-walay-kamatayon igahatag lamang sa naghinulsol "...pinaagi sa pagpakita sa atong Manluluwas nga si Cristo Jesus, nga naglaglag sa kamatayon ug nagdala ngadto sa kahayag sa kinabuhi ug sa pagka-walay-kamatayon tungod sa Maayong Balita (2 Tim 1:10) ug igahatag sa ikaduhang pag-anhi ni Kristo (1 Cor 15: 50-54). Dili kini usa ka butang nga gipanag-iya sa dili mahinulsulon, nga magpabilin sa ilaha nga buhi aron sa pag-antos sa walay katapusang pagngihutas sa impyerno.

3. Ang Gasa sa Kabubut-on



Daghan ang nagapangutana, "Unsaon nako ang pagtugyan sa akong kaugalingon sa Dios? "Gusto nimong ihatag ang imong kaugalingon Kaniya, apan ikaw maluya sa moral nga gahum, ulipon sa pagduhaduha, ug kontrolado sa mga inandan sa imong kinabuhi nga makasasala. Ang imong mga saad ug mga resolusyon sama sa mga lubid nga balas. Dili nimo mapugngan ang imong mga hunahuna, imong mga lagmon, imong mga pagbati. Ang kahibalo sa imong mga nabali nga panaad ug panumpa nagpaluya sa imong pagsalig sa imong kaugalingon nga pagkasinsero, ug hinungdan nga imong mabati nga dili ka madawat sa Dios; apan dili ka kinahanglan mawad-an sa paglaum. Ang imong kinahanglan masabtan mao ang tinuud nga kusug sa kabubut-on. Kini mao ang gahum sa pagdumala sa kinaiyahan sa tawo, ang gahum sa desisyon, o sa pagpili. Ang tanan nagadepende sa tama nga kalihokan sa kabubut-on. Ang gahum sa kabubut-on gihatag sa Dios sa tawo; ila kini aron sa paggamit. Dili nimo mabag-o ang imong kasingkasing, sa imong kaugalingon, dili ka sarang nga makahatag sa imong gugma sa Dios; pero ikaw makapili sa pag-alagad Kaniya. Mahimo nimong ihatag Kaniya ang imong kabubut-on; Siya magbuhat unya kanimo diha sa pagbuot ug sa pagbuhat sumala sa Iyang maayong kahimut-an (Filip 2: 13). Ingon niana ang imong bug-os nga kinaiyahan gidala sa ilalum sa pagkontrolar sa Espiritu ni Cristo; ang imong gugma masentro diha Kaniya, ang imong hunahuna mahiuyon Kaniya. {SC 47.}

4. Ang Gasa sa Iyang Panahon

Sa Daang Pakigsaad

Ang mahigugma-ong mga ginikanan dili makabuhay ug mga gasa hulip sa igahin nga panahon sa ilang mga kabataan. Bisan sa wala pa ang sala nakapahimulag kanato sa Dios og nanginahanglan kita og Manluluwas, ang atong Amahang langitnon mi-hunong gikan sa Iyang mga buhat, ug naghatag sa Iyang panahon kanato. Nagbuhat Siya ug usa ka tibook nga adlaw sa matag semana sa katuyuan nga Siya makig-sandurot kauban nato. "Ug gipanalanginan sa Dios ang adlaw nga ikapito, ug nagbalaan



niini; tungod kay niini nagpahulay Siya gikan sa tanan Niyang buhat nga gibuhay ug nahimo sa Dios” (Gen. 2:3). Ang paghininumdong sa hangdumanan sa malalangon nga gahum sa Dios makapainspirar sa atoa ug gugma, pagkamapasalamat, ug pagtoo sa Iyang gahum sa pag-umol kanato sa pagkasama Kaniya. Unsa ang sangputanan sa handumanan sa adlaw sa pagkamugna sa atong nasud kun kini mag-agad sa disisyon sa matag lumulupyo kung unsang adlaw ang pag-saulog niini? Wala gihatag sa Dios kanato ang pagdisisyon sa angay nga panahon nga pagabantayan isip handumanan sa paglalang. Gihinganlan sa Dios ang usa ka adlaw sa semana nga pagabantayan sa tawo, ang ikapito, nga mao ang Sabado. (Ang mga kasaulugan alang sa kamatayon ug pagkabanhaw ni Jesus mao ang Bunyag, o Bautismo ug santasina, dili ang adlawng Domingo. Tan-awa ang Roma 6:3, 4; 1 Cor 11:23-27).

Sa Bag-ong Pakigsaad

Ang Dios mao ang nagahatag sa gasa sa Igpapahulay, ug busa, Siya ra ang adunay kagahum sa pagbag-o o pagpahunong sa pagbantay niini; apan bisan pa Siya dili makabag-o sa adlaw sa kasaysayan diin Siya nagpahulay gikan sa paglalang sa kalibutan. Ang bisan unsang pagbag-o niini nga handumanan magahatag niini ug bag-o nga kahulogan, ug *siguradong* igasulti sa Kasulatan, apan ang Kasulatan wala nagtala sa mao nga pagbag-o. Nagpamatuod si Jesus, “Dili kamo maghunahuna nga Ako mianhi sa pagbungkag sa Kasugoan, kun sa mga Manalagna; wala Ako moanhi sa pagbungkag, kondili aron sa pagtuman. Kay sa pagkamatuod nagaingon Ako kaninyo, nga hangtud nga mahanaw ang langit ug yuta, walay pagasayloan sa Kasugoan bisan usa ka kudlit, bisan usa ka tulpok hangtud nga ang tanan matuman sa hingpit” (Mat 5:17, 18). Us si Apostol Pablo nagdugang niini nga mga pulong, “Busa gihimo ta ba nga walay kapuslanan ang Kasugoan tungod sa pagtoo? Kana dili mahimo! Hinonoo, ginatukod nato ang Kasugoan” (Roma 3:31).

Ngano man nga naay pipila ka mga bersikulo sa Kasulatan nga daw nagpaila nga ang balaod natapos na sa kamatayon ni Kristo (pananglitan, Col 2: 14-17)? Ang ilang katibuk-ang kahulogan, kung ikonsiderar sa mainampunon ug mainampingon, tinaw nga nagpakita nga kini nga mga bersikulo nagsulti bahin sa mga ordinansa nga naglandong sa una ug ikaduhang pag-anhi ni Cristo, dili sa Napulo ka Sugo. Ang “bag-ong pakigsaad” gihimung kinaranang balaod bahin sa lainlaing mga piyes-ta, pagsakripisyo, ug tinuig nga mga igpapahulay, nga nagsugod sa nakasala na ang tawo, ug naglandong sa plano sa katubsan, apan dili ang moral nga Napulo nga Sugo ni ang sinemana nga igpapahulay sa Kamugnaan sa kalibutan.

Ang pakigsaad usa ka kontrata. Ang usa ka bag-ong kontrata gikinahanglan kung ang una nabali. Kini mao ang kaso sa pakigsaad sa Dios uban kanato. Gibali nato kini, ug ang Dios nagpasaylo sa atoa ug naghatag pag-usab sa atoa niining kontrata, inubanan sa panaad sa paghatag Niya sa atoa og katakos sa pagtuman niini. 31 Ania karon, ang mga adlaw moabut na, nagaingon si Jehova, nga Ako magabuhay ug usa ka bag-ong tugon uban sa balay sa Israel, ug uban sa balay sa Juda:

“[32] Dili sama sa tugon nga gibuhay ko uban sa ilang mga amahan sa adlaw nga giagay ko sila sa kamot sa pagpagula kanila gikan sa yuta sa Egipto; nga ang maong tugon ilang gilapas, bisan Ako mao ang ilang bana, nagaingon si Jehova. [33] Apan kini mao ang tugon nga pagabuhaton ko uban sa balay sa Israel sa tapus niadtong mga adlaw, nagaingon si Jehova: Ibutang ko ang Akong *Kasugoan* sa ilang sulod nga mga bahin, ug *diha sa ilang kasingkasing kini isulat ko*; ug Ako mahimong ilang Dios, ug sila mahimong Akong katawohan. [34] ... kay pasayloon ko ang ilang kasal-anan, ug dili na gayud hinumduman ko ang ilang sala” (Jer 31: 31-34). “Busa kong bisan kinsa ang anaa kang Cristo, bag-o siya nga binuhay; ang mga butang nga daan nanagpangagi na; ania karon, sila nangabag-o” (2 Cor 5:17).

Pagkanindot nga mga saad! Unsaon Niya pagsulat sa Kasugoan sa atong kasingkasing nga magahimo sa atoa nga bag-ong mga binuhay? Tubag — “Apan kitang tanan, uban ang nawong nga wala mabuksi nagasilaw (nagatutok - Griego) ingon sa usa ka salamin sa himaya sa Ginoo, ginausab kita sa mao gihapon nga dagway gikan sa himaya ngadto sa himaya, ingon nga gikan sa Ginoo ang Espiritu” (2 Cor 3:18). Ang oras nga gigugol sa Dios (labi na sa Adlawng Igpapahulay), sa “pagtutok” Kaniya, sa pagpahulay gikan sa kaugalingon natong mga buhat, naghatag Kaniya og katakos nga mabuhay kini nga kabag-uhan sa atoa, ug gihimo Niya kini nga usa ka ilhanan. “Labut pa usab gihatag ko kanila ang Akong mga adlawng igpapahulay, aron mahimong usa ka timaan sa taliwala Kanako ug kanila, aron sila makaila nga Ako mao si Jehova nga ngabalaan kanila.” “Ug balaana ang Akong mga adlawng igpapahulay; ug sila mahimong usa ka timaan sa taliwala Kanako ug kaninyo, aron kamo makaila nga Ako mao si Jehova nga inyong Dios” (Ezeq 20:12, 20).

“...Kahadloki ang Dios, ug bantayi ang Iyang mga sugo; kay kini mao ang tibook nga katungdanan sa tawo” (Eccl 12:13). Ang Napulo ka mga Sugo usa ka pagpahayag sa duha nga bulawanon nga mga prinsipyo: Higugmaon mo ang Ginoo nga imong Dios sa bug-os mong kasingkasing, ug higugmaon mo ang imong isigkatawo ingon sa imong kaugalingon. Dili nato mahimo nga higugmaon ang atong isigkatawo sama sa atong kaugalingon ug balion ang katapusang unom ka mga sugo (pagpatay, pagpangawat, pagpamakak, ug uban pa). Ni higugmaon ang Dios sa bug-os nato nga kasingkasing, nga wala kita nagtuman sa una nga upat ka mga sugo, lakip na ang ikaupat, nga nagkinahanglan sa atong pag-gahin sa piho nga oras nga gihangyo Niya nga igugol nato uban Kaniya.